

te:quam equidem & in Gnosio Epimenide simili modo accipio. Puerum aëstu & itinere fessum in specu septem & quinquaginta dormisse annis: rerum faciem mutationemq; mirantem, velut postero experrectum die: hinc pari numero dierum senio ingruente, vt tamen in septimum & quinquagesimum atque centesimum uita duraret annum. Feminariū sexus huic malo videtur maxime opportunus, conuersione uulua: quæ si corrigatur, spiritus restituitur. Huc pertinet nobile illud apud Græcos uolumen Heraclidis, septem diebus femine exanimis ad vitam reuocata. Varro quoq; autor est, xx uiris agros diuidentibus Capuæ, quendam qui efferretur feretro, domum remeasse pedibus: Hoc idem Aquini accidisse. Romæ quoque Corfidium materteræ suæ maritum funere locato reuixisse, & locatorem funeris ab eo elatum. Adijcit miracula, quæ tota indicasse conueniat. E duobus fratribus equestris ordinis Corfidio maiori accidisse, vt videretur expirasse, apertoq; testamento recitatum hæ redem minorem funeri instituisse: interim eum, qui videbatur extinctus, plaudendo concinisse ministeria, et narraſſe à fratre se uenisse, commendatam sibi filiam ab eo. Demonstratum præterea quo in loco defodisset aurum nullo conscio, & rogasse vt ijs funebribus quæ comparasset, efferretur. Hoc eo narrante, fratris domestici propere annunciauere exanimatum illum: & aurum ubi dixerat repertum est. Plena præterea uita est his uaticinijs, sed non conferenda, cum sepius falsa sint, sicut ingenti exemplo docebimus. Bello Siculo, Gabienus Cæsaris classiarius fortissimus, captus à Sexto Pompeio, iussu eius incisa ceruice, & vix coherente, iacuit in littore tota die. Deinde cum aduesperasset, cum gemitu precibusq; congregata multitudinem petijt, vt Pompeius ad se ueniret, aut aliquem ex charis mitteret: se enim ab inferis remissum, habere quæ nunciaret. Misit plures Pompeius ex amicis, quibus Gabienus: Inferis dijs placere Pompeij causas & partes pias, proinde euentum futurum quem optaret, hoc se nunciare iussum. argumentum fore ueritatis, quod peractis mandatis, protinus expiraturus esset. Idque ita euenit. Post sepulturam quoque visorum exempla sunt: nisi quod naturæ opera, non prodigia consecramur.

De mortibus repentinis. CAP. LIIII.

IN primis autē miraculo sunt atq; frequenti mortes repentina, hæc est summa uita felicitas, quas esse naturales docebimus. Plurimas prodidit Verrius: nos cum delectu modum seruabimus. Gaudio obiere præter Chilonem, de quo diximus, Sophocles & Dionysius Sicilia tyrannus, uterque accepto tragica victoria nuncio. Mater pugna illa Cænensi, filio incolumi uiso contra falsum nuncium. Pudore Diodorus sapientiæ dialecticæ professor, lusoria questione non protinus ad interrogationes Stilbonis dissoluta. Nullis euidentijs causis obiere, dum calciantur matutino duo Cæsares, prætor & prætura perfun-

ctus dictatoris Cæsaris pater: hic Pisis exanimatus, ille Romæ. Q. Fabius Maximus in consulatu suo pridie Kalend. Ianuarias: in cuius locum Rebilus paucissimarum horarum consulatum petijt: Item C. Vultacius Gurges senator. Omnes adeo sani atq; tempestiui, ut de progrediendo cogitarent. Q. Aemilius Lepidus iam egrediens incusso pollice limini cubiculi. C. Aufidius egressus cum in senatum iret, offenso pede in comitio. Legatus quoq; qui Rhodiorum causam in senatu magna cū admiratione orauerat, in limine curiæ protinus expirauit progredi uolens. Cn. Bebius Pamphilus, prætura et ipse functus, cū à puero quaſſisset horas. A. Pompeius in capitolio cum deos salutasset. M. Iuuentius Talua C O S. cum sacrificaret. C. Seruilius Pansa cum staret in foro ad tabernam hora diei secūda, in P. Pāsam fratrem inmixus. Bebius iudex dum uadimonium differri iubet. M. Terentius Corax dum tabellas scribit in foro. Necnon & proximo anno, dum consulari uiro in aure dicit, eques Romanus, ante Apollinem eboreum, qui est in foro Augusti. Super omnes C. Iulius medicus, dum inungit, specillum per oculum trahens. Iam Manlius Torquatus consularis cum in cæna placentam appeteret. L. Durius medicus Valla, dum mulsi potionem haurit. Ap. Sausenius, cū à balineo reuersus mulsum bibisset, ouumq; sorberet. P. Quintius Scapula cū apud Aquilium Gallum cænaret. Decimus Sausenius scriba cū domi suæ pranderet. Cornelius Gallus prætorius & T. Aetherius eques Ro. in Venere obiere. Et quos nostra adnotauit ætas, duo equestris ordinis in eodem Pantomimo Mythico tum forma præcellente. Operosissima tamen securitas mortis in M. Ofilio Hilario ab antiquis traditur, comædiarum histrione. is cum populo admodum placuisset natali die suo, conuiuiumque haberet, edita cæna calidam potionem in pultario poposcit, simulque personam eius diei acceptam intuens, coronam è capite suo in eam transtulit, tali habitu rigens nullo sentiente, donec accubantium proximus tepescere potionem admoneret. Hæc felicia exempla: at contra miseriarum innumera. L. Domitius clarissima gentis apud Massiliam uictus, Corfinij captus ab eodē Cæsare, ueneno potio propter tedium uitæ, postq; biberat, omni ope vt uiueret annexus est. Inuenitur in actis, Felice Russato auriga elato, in rogam eius unum è fauentibus iecisse sese: frimolum dictu, ne hoc gloriæ artificis daretur, aduersis studijs copia odorū corruptum criminantibus. Cum ante non multo M. Lepidus nobilissima stirpis, quem* euenti anxietate diximus mortuum, flammæ ui è rogo eiectus, recondi propter ardorem non potuisset, iuxta sarmentis alijs nudus crematus est.

De sepultura.

CAP. LIIII.

Ipsum cremare, apud Romanos nō fuit ueteris instituti: terra cōdebantur. At postq; longinquis bellis obrutos erui cognouere, tunc institutum. Et tamen multa familie prisca seruauere ritus: sicut in Cornelia

b ij nelia

* diuortij